

## **Pidemöö ingante Pabodo cadota ante nänö yewæmongainta**

### *Pidemöö ingante Pabodo yewæmongampa*

<sup>1</sup> Botö Pabodobo inömo inte Itota Codito ingantedö ante apænebo beyænque botö imote tee mönedäni tee mönegaimo imopa. Mönö tönñacä Tımoteo tönö yewæmömönapa. Pidemöö möna nē waadebi inömi inte mönatö tönö godongämæ cædömi inñömite mönatö, Bitö acæbiimpa, ante yewæmömönapa. <sup>2</sup> Bitö oncönē inñömö Itota Codito ingante mīni pönencabo godongämæ pönñöminite mönatö mīnitö imīnite adobaī yewæmömöna acæminimpa. Ayæ mönö mängä Apia tönö Adoquipo mönitö tönö godongämæ nē tontado baī cædongä tönö tömēna acædaimpa, ante yewæmömönapa. <sup>3</sup> Mönö Mæmpo Wængonguī tönö Awēnē Itota Codito tönö godongämæ waadete pönö cæda ate mīnitö gänē entawencæminimpa, ämönapa.

### *Pidemöö nē waadete pönengä inte wede pönengä ingä*

<sup>4-5</sup> Bitö Awēnē Itota ingante wede pönēmi imipa, ante tömengä quinäni inönäni inänite waadete pönēmi imipa, ante bitö imitedö ante änäni eññēnimo inte botö bitö beyæ ante Wængonguī ingante botö apæneyedē adocä ingante cöwē waa ate pönente apænebopa. <sup>6</sup> Mänñö Itota Codito ingante bitö wede pönēnö ante wadäni inänite cöwē apænebi

ēñēninque tōmēnāni, Mōnō tōmēngā waa pōnī nānō entawēnoncoo incæ quincōodō entawēmō imōō, ante ædæmō ēñēnte bacædānimpa, ante nanguī cæcæbiimpa, ante botō bitō beyæ ante Wængonguī ingante apænebopa. <sup>7</sup> Botō tōniñabi ēñēmi. Itota Codito quīnāni īnōnāni īnānite bitō waadete pōnente cæbi ate tōmēnāni gancæ entawente todānitapa, ante apænedāni ēñēninque botō nanguī watapæ todirique wampo pōnentabopa.

*Pabodo Önetimo beyæ ante Pidemöö ingante angampa*

<sup>8</sup> Mānōmaī beyæ mōnō Awēnē Codito botō imote angā ēñēninque botō awēnē baī āninque bitō cæquēnēnō ante, Īmaī cæe, ante guīñēnāmaī inte bitō imite wææ āmo baī waa incædōnimpa. <sup>9</sup> Incæte botō wææ ānāmaī inte wæætē mōnō waadete pōnēmāmo beyænque ædæmō apænebopa. Botō Pabodobo īnōmo inte nē picæmo imopa. Ayæ ñōwo botō Itota Codito ingantedō ante apænebo beyænque botō imote tee mōnedāni tee mōnegaimo inte āmopa. <sup>10</sup> Īninque botō wēngā onguīñāngā Önetimo beyæ ante bitō imite ædæmō apænebopa. Edæ tee mōnecōnē botō quēwēñedē Önetimo ingante apænebo ēñēninque tōmēngā nē pōnēngā badinque botō wēngā baī bacā æntabopa cæbii.

<sup>11</sup> Wēēnēñedē tōmēngā bitō beyæ waa cædāmaī inte ōnonque quēwēngacāimpa. Incæte tōmēngā ñōwo iñōmō bitō beyæ incæ botō beyæ incæ nē waa cæcā bacāimpa. <sup>12</sup> Tōmēngā botō nē waadecā ingā incæte tōmēngā ingante botō bitō weca ocæ emænte da godōmo poncæcāimpa. <sup>13</sup> Itota ingantedō ante mōnō watapæ apænedō

beyænque botö imote tee mönedäni ongöningue botö, Pidemöö dä añonte Önetimo iñömö tömengä beyæ botö weca ongöningue botö tönö guëa cæcæcäimpa, ante pönëningue ainentabopa. <sup>14</sup> Incæte æbämenque pönö waa cæbi incæ wii botö wææ änö beyænque cæcæbiimpa. Wæætë tömënique pönente cæcæbiimpa, ante cætabopa. Bitö eñënamai inte Ao änämai iñömite botö ædö cæte Önetimo ingante, Bitö botö weca ongoncæbiimpa, ante anguimoo. <sup>15</sup> Önetimo bitö imite wantæyö wodii godingä inte ñowo adodö pöñongante bitö tömengä ingante wæætë æñömi tömengä cöwë bitö tönö quëwencæcäimpa. Wabänö mänii ante beyænque wantæyö wodii gocantawo. <sup>16</sup> Tömengä ingante bitö godonte ænte mämi ate tömengä bitö beyænque cæte në quëwëningä ingä incæte tömengä ñowo wii në cæte quëwënanique bai ñongä ingampa. Wæætë edæ Itota Codito ingante pönengä badinque tömengä ñowo godömenque bitö tönñacä ñongä inte bitö në waadecä ingampa. Edæ tömengä botö në nangui waadecä ingampa. Ayæ wii bitö në cædonganque ñongä inte tömengä wæætë mönö Awënë quingä ingampa. Mänömai beyæ tömengä godömenque bitö në waadecä ñongä ingampa.

<sup>17</sup> Ñinque bitö, Pabodo tönö guëa cæmöna ñmönapa, ante pönëmi ñinque bitö botö imote æmi bai Önetimo ingante adobai æmaïmipa. <sup>18</sup> Bitö imite wënæ wënæ cæcantawo. Bitö ñmi quïëmë ante æningue wæætë pönönämai ingantawo. Ñinque tömengä nänö pönönämai ñinö ante bitö botö imote wæætë, Pönömi æmoe, ämi eñëningue botö pædæ

pönömo æmaïmipa. <sup>19</sup> Botö Pabodobo inömo inte tömömo önompoca inte imainö ante yewæmömopa. Tömengä quïnö nänö pönönämaï ininö ante botö wæætë tömänö pönömo æncæbiimpa. Botö edæ bitö imite wïi Itota Codito ingantedö ante odömonte apænebo bai bitö ayæ pönënämaï inte quëwencædömiimpa. Ìninqe botö apænedö beyæ bitö botö imote wæætë pönönämaï ingä bai inömi imipa. Incæte botö mänömaï beyæ bitö imite wïi ancæboimpa. <sup>20</sup> Botö töninabi ëñëmi. Mönö Awënë beyænque bitö botö beyæ pönö cædinque Önetimo ingante waadete pönencæbiimpa, ante wæbopa. Edæ mönö Codito nempo quëwëmöna ìninqe bitö waadete pönente cæbi ate botö gancæ entawente tocæboimpa, ämopa.

<sup>21</sup> Bitö cöwë ëñente cæquïmi imipa, ante do ëñënimö inte botö, Bitö acæbiimpa, ante yewæmömopa. Edæ botö änö ëñente cædinque bitö godömenque cæquïmi imipa, ante ëñëmopa.

<sup>22</sup> Ìninqe adodeque ayæ äinëmopa. Minitö botö beyæ ante Wængongui ingante mïni apænedö beyæ botö imote ñimpo cædäni ate bitö weca acæ poncæboimpa, ante pönëmopa. Ìninqe bitö oncönë adocönë botö owoquincö ante tömää ædæmö cö cæquïmi, ämopa.

*Pidemöö ingante Pabodo, Waa quëwencæbiimpa, angä*

<sup>23</sup> Epapada botö bai adobai Itota Codito beyænque näni në tee mönegaingä inömö tömengä botö imote, Pidemöö waa quëwencæcäimpa, ante angä ëñëninque botö bitö imite yewæmömopa.

<sup>24</sup> Mäadoco tönö Aditadoco ayæ Deëma tönö Odoca

botō tönō godongämæ cædäni iñömō adobai botō  
imote, Pidemöö waa quëwencæcäimpa, ante änäni  
ëñëninque botō bitō imite yewæmömopa.

<sup>25</sup> Mönō Awënë Itota Codito bitō imite  
waadete pönō cæcæcäimpa. Mäninque ante botō  
yewæmömopa.

**Wængonguï nänö Apænegainö**  
**New Testament in Waorani (EC:auc:Waorani)**

copyright © 2009 Wycliffe Bible Translators, Inc.

Language: Waorani

Translation by: Wycliffe Bible Translators, Inc.

Waorani [auc], Ecuador

**Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Waorani

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022

9bedab5a-39ff-5163-a35b-8056cbbe8690